

Meeqqaq inuuusuttunillu ikorsiisarneq pillugu Inatsisartut peqqussutaat

Suliassaqtitsiniarnermik inunnillu isumaginninnermik Kalaallit Nunaannut inatsit nr. 580, 29. november 1978-imeersumi § 2 naapertorlugu makku aalajangersarneqarput:

Siunertaq

§ 1. Peqqussummi matumani siunertarineqarpoq meeqqap qitiutinnissaa, aamma peqqussut naapertorlugu suliniutini tamani meeqqap pisariaqartitai aallaavagineqassasut.

Imm. 2. Inuit 18-iliinissamik tungaanut meeqqaq taagorneqarput, tamatumani allatut taaneqarsimannngikkunik.

§ 2. Kommunalbestyrelsi pisussaavoq meeqqat ineriarngerannik, ingerlalluarnerannik nammineersinnaanerannillu siursaasumik alliarngerannik atugassaqtitsinissamik.

Imm. 2. Arnat naartusut meerartaassap peqqinnissaanik ineriarternissaanillu navianartorsortitsisinnasumik atugaqartut siusissukkut tapersorsorneqarnissaat pingartinneqarpoq.

Imm. 3. Meeqqat timimikkut eqqarsartaatsimikkulluunniit piginnaanikillisimasut imaluunniit immikkut tapersorsorneqarnissamik pisariaqartitsisut siusissukkut aammalu siunertaqtumik iliuuseqarfingineqassapput.

§ 3. Naalakkersuisut pisussaaffigaat Meeqqat Pisinnaatitaaffi pillugit Naalagaaffit Peqatigiit isumaqatigiissutaata atuutsinnissaa aammalu Naalagaaffit Peqatigiit Meeqqaanut komite-anut nunap iluani pissutsit pillugit danskit nalunaarusiaannut peqataassallutik.

Nakkutilliineq

§ 4. Meeqqat inuunerminni atugarisaannik kommunalbestyrelsi nakkutilliissaaq. Nakkutilliineq equeersimaartumik akuliunnikkulli ingerlanneqassaaq, taamaalilluni meeqqamik immikkut tapersorsorneqarnissamik pisariaqartitsisumik sapinngisamik siusinnerpaamik kommuni ilisimaarinnilerluni.

Imm. 2. Ilaqutariit meerartallit immikkut tapersorsorneqarnissamik pisariaqartitsisut kommunimut allamut nuuppata kommunip qimatap tapersorsorneqarnissamik pisariaqartitsineq kommunimut nuuffiusumut ilisimatitsissutigissavaa.

Nalunaartarneq

§ 5. Kinaluunniit meeqqamik peqqissutsimigut ineriarnermigulluunniit navianartorsortinneqarluni atugaqartinneqartumik paasisaqaruni kommunalbestyrelsimit nalunaaruteqarnissaminik pisussaaffeqarpoq.

Imm. 2. Inuit isumaginnittooqarfimmi, atuarfeqarfimmi imaluunniit peqqinnissaqarfimmi atorfeqartut meeqqamik ikiorneqarnissamik pisariaqartitsisumik paasisaqarunik kommunalbe-styrelsimit nalunaaruteqarnissaminnik sakkortunerusumik pisussaaffeqarput. Taamatuttaaq inuit qinigaasimanertik tunngavigalugu suliaqartut nalunaaruteqarnissaminnik sakkortunerusumik pisussaaffeqarput.

Imm. 3. Inuit nalunaaruteqarnissaminnik sakkortunerusumik pisussaaffeqartut arnamik naartusumik annertuumik ajornartorsiuteqartumik tapersorsorneqarnissamik katsorsarneqarnissamillu pisariaqartitsisorinartumik paasisaqarunik communalbestyrelsimit nalunaassapput.

Misissuineq

§ 6. Kommunalbestyrelsi meeqqamik immikkut tapersorsortarialimmik paasisaqrungi, ilan-ngullugu timikkut eqqarsartaatsikkullu pisinnaasakillisimaneq pissutigalugu, pissutsit misissorneqarnissaat kommunalbestyrelsip isumagissavaa.

Imm. 2. Angajoqqaatut oqartussaassuseqartoq aammalu meeraq 15-ileereersimasoq akuersiseqqaarlugit misissuisoqassaaq.

Imm. 3. Meeqqap peqqissusaata ineriarngerataluunniit annertuumik ajoquserneqarnissaa navianartorsiornersoq paasiniarlugu misissuinissaq pisariaqarpal angajoqqaatut oqartussaassuseqartoq meeraru 15-ileereersimasoq akuersiteqqaanngikkaluarlugit kommunalbestyrelsip misissuinissaq aalajangiussinnaavaa.

Imm. 4. Misissuineq ingerlanneqassaaq najukkami suliamik ilinniagaqarsimasut isumaginnittooqarfimmeersut, peqqinnissaqarfimmeersut atuarfeqarfimmeersullu suleqatigalugit. Pisariaqarpal misissuisoqassaaq paaqqinniffimiititsinermi imaluunniit napparsimavimmut unitsitsinikkut, ilanngullugu tarnikkut nappaatilinnut immikkoortortaq.

§ 7. Misissuineremi paasisat isummertoqarnissaanut atorneqassapput, suliniutinik aallartitsinissaq tunngavissaqarnersoq taamaappallu suliniutit suut inassutigineqassanersut.

Imm. 2. Inassuteqarneremi ersersinneqassaaq angajoqqaatut oqartussaassuseqartoq aammalu meeraq suliniutissamut qanoq isumaqarnersut. Taamatuttaaq ersersinneqassaaq ilaqtariinni taakkualu avatangiisaanni inuttut nukissat suut pigineqarnersut.

§ 8. Meeraq qulileereersoq pillugu suliami aalajangiisoqannginnerani ajornanngippat sapinngisamik meeraq oqaloqatigineqassaaq. Meeqqap isumai ilanngunneqassapput aammalu ukiuinut inerisimassusianullu naleqqiullugu naleqquttumik pingaartinneqassallutik.

Imm. 2. Meeqqanut quliliisimannigsunut meeqqap inerisimassusiata suliallu suussusaata taamaattariaqartippagu meeqqap suliniutissamut qanoq isumaqarnera pillugu paasissutissat sapinngisamik pigineqassapput.

Imm. 3. Meeqqap angerlarsimaffiup avataanut inissinneqarnissaanik aalajangiisoqannginnerani suliaq kommunimi oqartussaasoqarfifit assigiinngitsunik suliallit ataatsimiititaanut oqaaseqarfifisassanngorlugu saqqummiunneqassaaq.

Suliniutit

§ 9. Angajoqqaatut oqartussaassuseqartoq aamma meeraq 15-ileereersimasoq akuersiseqqaarlugit ikiorsiissutissaq meeqqap immikkut pisariaqartitsineranut naleqqunnerpaaq kommunalbestyrelsip toqqassavaa.

Imm. 2. Kommunalbestyrelsi assersuutigalugu aalajangersinnaavoq

- 1) meeqqamut pissutsinut tunngatillugu isumaginninnermi sullissinikkut ikorsiinissamik,
- 2) meeraq ulluunerani neqeroorutini, inuusuttut klubbianni, ilinniartitaanermut assigisaanniluunniit peqataassasoq,
- 3) illup iluani, perorsaanermik imaluunniit allatut angerlarsimaffimi tapersersuinikkut ikorsiinissamik,
- 4) ilaqtariinnik katsorsaanissamik assigisaanilluunniit tapersersuinissamik,
- 5) meeqqamut, angajocqaatut oqartussaassuseqartumut aamma ilaqtariinni ilaasunut allanut ulloq unnuarlu paaqqinniffimi, angajocqaarsiani assigisaanniluunniit ulloq unnuarlu inissiinissamik neqerooruteqarnissamik,
- 6) ulloq unnuarlu paaqqinniffimi, angajocqaarsiani assigisaanniluunniit oqilisaassinertut inissiinissamik neqerooruteqarnissamik,
- 7) meeqqap angerlarsimaffiup avataanut inissinneqarneranut atatillugu angajocqaatut oqartussaassuseqartup tapersersorteqarnissaanik neqerooruteqarnissamik,
- 8) inuttut siunnersuisorisamik neqerooruteqarnissamik, tak. § 16,
- 9) ineqarfutigalugu atuarfimmiennermut efterskole-miinnermulluunniit aningaasatigut ikorsiinissamik, tamatumunnga angajocqaatut oqartussaassuseqartoq nammineerluni akissaqanngippat,
- 10) meeqqap angerlarsimaffiup avataanut inissinneqarnissaanik, assersuutigalugu ulloq unnuarlu paaqqinniffimmut imaluunniit angajocqaarsianut, meeqqap immikkut pisariaqartitsineranut naammassinnissinnaasutut isigineqartumut imaluunniit,
- 11) suliniuteqareernermermi malinnaanissamik.

Imm. 3. Kommunalbestyrelsi aalajangersinnaavoq suliniutit imm. 2-imi taakkartorneqartut malitsigisaannik aningaasartututinut ikorsiinissamik, taakkununnga angajocqaatut oqartussaassuseqartoq nammineerluni akissaqarsimanngippat.

Akuersisitseqqaarani angerlarsimaffiup avataanut inissiineq

- § 10.** Angajocqaatut oqartussaassuseqartup aammalu meeqqap 15-ileereersimasup akuersissuttaa pigineqarpat pigineqangikkaluarpalluunniit, meeqqap angerlarsimaffiup avataanut inissinneqarnissa kommunalbestyrelsip aalajangiussinnaavaa, meeqqap peqqissusaata imaluunniit ineriartornerata ilungersunartumik ajoquserneqarsinnaanera qularnanngitsumik ulorianartorsiorpat pissutigalugu
- 1) meeqqap naammanngitsumik isumagineqarnera imaluunniit passunneqarnera,
 - 2) persuttaaneq allatigulluunniit ilungersunartumik innarliineq,
 - 3) atuipilunnermk ajornartorsiutit, pinerlunniartutut pissusilersornerit allatigulluunniit meeqqap inooqataanerani ajornakusoortit annertuut,
 - 4) meeqqap allatigut pissusilersornerani naleqqussarniarneraniluunniit ajornartorsiutit.

Imm. 2. Imm. 1 tunngavigalugu taamaallaat aalajangiisoqarsinnaavoq tunngavissalimmik ilimanaateqarpat ajornartorsiutit meeqqap angerlarsimaffimminiginnarnerani anigorneqarsinnaanngitsut.

- § 11.** Kommunalbestyrelsi akuersisitseqqaarani inissiinissamik aalajangiisinnaanngilaq, imaassimanngippat meeraq aamma angajocqaatut oqartussaassuseqartoq illersuisoqarsinnaatitaanerannik aamma inisiissamaarneq pillugu oqaaseqaateqartussaatitaanerannik naleqquttumik sivisussusilimmik piffissalerlugit paasitinneqarsimasut.

Imm. 2. Angajocqaatut oqartussaassuseqartup najugaa imaluunniit sumiiffia ilisimaneqan-ngippat, imm. 1 malillugu nalunaarut, meeqqamik isumaginnittuusumut tunniunneqassaaq.

Imm. 3. Illersuisoqarneq pillugu malittarisassanik, akissarsitsitsinissaq ilanngullugu, Naalakkersuisut aalajangersaassapput.

§ 12. *Akuersisitseqqaarani inissiinissamik aalajangerneq sabinngisamik nalunaaquttag akunneri 24-it qaangiutsinnagit angajoqqatut oqartussaassuseqartumut ilisimatitsissutigineqassaaq.*

§ 13. *Angerlarsimaffiup avataanut inissiinissamik aalajangerneq ulla arfineq-pingasut qaagiutsinnagit Naalakkersuisunut nalunaarutigineqassaaq.*

Iliusissanik pilersaarut

§ 14. *Kommunalbestyrelsi § 9 aamma § 10 malillugit meeqqap angerlarsimaffiup avataanut inissinneqarnissaanik aalajangiitinnagu, iliussisanik pilersarusiaq suliarineqassaaq. Iliusissanik pilersarusiap suliarineqarnissaa inissiinissami utaqqineqarsinnaangippat inissiinermi siunertaasup naatsukullammik nalunaarutiginissaa naammappoq. Tamatuma kingorna iliussisanik pilersarusiaq piaarnerpaamik kommunalbestyrelsip suliarissavaa, kingusinnerpaamik inisseereernermi ulla 14-nit qaangiutinnagit.*

Imm. 2. Kommunalbestyrelsi naliliissaaq suliniutit allat ima annertutiginersut iliussisanik pilersarusiaq suliarineqartariaqarluni. Angajoqqaat imaluunniit meeraq iliussisanik pilersarummik kissateqarpata, kommunalbestyrelsi pisussaavoq taamaattumik suliaqassalluni.

§ 15. *Iliusissanik pilersarummi siunertaavoq siunertaqarluartumik meeqqamut suliniuteqarnissap qularnaarnissaa. Taamaattumik iliussisanik pilersarut meeqqamut ataatsimut tunngassaaq aamma suliniuteqarnermi siunertaq nalunaallisissallugu aammalu siunertap anguneqarnissaanut qanorpiaq suliniuteqartoqartariaqarnersoq nalunaassallugu. Iliusissanik pilersarummiissapput suliniuteqarnerup qanoq sivisutiginissaa naatsorsuutigineqarnersoq, meeraq pillugu pissutsit immikkut ittut, ilanngulligit ilinniartitaaneq il. il.*

Imm. 2. Angerlarsimaffiup avataanut inissiinermi aammattaaq iliussisanik pilersarummiissaaq meeqqap angerlarsimaffiup avataani inissisimaneranut aammalu angerlaqqereerneranut atatillugu immikkut ilaqtariinnut tapersersuineq qanoq ilusilik pilersinneqassanersoq.

Imm. 3. Angerlarsimaffiup avataanut piffissami sivisunerusumi inissiinermi inissiinermut anguniakkatut iliussisanik pilersarutip nassuaataa tunngavigalugu kommunalbestyrelsip minnerpaamik ukiumut ataasiarluni inissiinissamik aalajangiineq naliliiffigeqqittassavaa. Inissiineq ingerlaannassasoq aalajangertoqarpat iliussisanik pilersarut nutaamik aalajangiinermut naleqquttunngorlugu iluarsineqassaaq.

Inuttut siunnersorti

§ 16. *Inuttut siunnersortip nammineerluni attaveqarnermigut meeraq taassumalu ilaqtai siunnersuinikkut ilitsersuinikkullu tapersersussavai. Meeqqamut inuttut siunnersortissatut toqbarneqassapput inuit taamatut suliaqarnissamik immikkut piukkunnaateqartut.*

Imm. 2. Inuttut siunnersorti kommunalbestyrelsimit toqbarneqassaaq peqatigisaanillu iliussisanik pilersarusiaq suliniuteqarnissamik nassuaasoq allaganngorlugu tunniunneqassaaq.

Imm. 3. Inuttut siunnersortinik toqqaasarnermут akissarsitsisarnermullu malittarisassanik kiisalu inuttut siunnersortitut sulinerup qanoq ingerlanneqarnissaanut malittarisassanik Naalakkersuisut aalajangersaassapput.

Paarsinissamik akuersissut

§ 17. Kinaluunniit meeqqamik ilaqtariinni paarisassamik tigusisinnaanngilaq kommu ni ilaqtariit paarsisussat najugarivitaat tamatumunnga allaganngorlugu akuersissuteqaqqartinnagu.

Imm. 2. Paarsinissamik akuersissummik qinnuteqartoqarnerani qinnuteqartoq taassumalu aappa a inooqataaluunniit pinerluuteqarsimanermut nalunaarsuiffimmit takussutissiamik takutitsissaq.

Ilaqtariit paarsisussat angerlarsimaffianni pissutsit perorsaanissamut aamma peqqinnissamut tunngatillugu isumannaatsuunersut kommunalbestyrelsi naliliissaq.

Imm. 3. Meeqqanut ataasiakkaanut ilaqtariinni paarineqartussanut tamanut paarsinissamik akuersissut allaganngorlugu tunniunneqassaaq. Meeqqat paarineqartussat qassit ilaqtariinni paarsisussani isumagineqarsinnaanersut kommunalbestyrelsi ataasiakkaani tamani aalajangiissaq.

Imm. 4. Akuersinermi tunngaviusut tunngavissaajunnaarpata paarsinissamik akuersissut atorunnaarsinneqassaaq.

Imm. 5. Ilaqtariinnik paarsisussanik akuerinnittarneq pillugu aalajangersakkanik erseqqinnerusunik Naalakkersuisut aalajangersaassapput.

Kommunalbestyrelsimit ilaqtariinnut inissiineq

§ 18. Ilaqtariit inuussutissarsiutigalugu paarsisartut tassaapput ilaqtariit paarsisartut, meeqqanut annertuumik eqqarsartaatsimikkut ajoquserneqarsimasunut imaluunniit meeqqanut annertuumik timimikkut eqqarsartaatsimikkulluunniit innarluutilinnut isumaginninnissamut immikkut tunngavissiisumik isumaginninnikkut sullissinissamut ilinniakkamik tunuliaqtallit assigisaanilluunniit inuussutissarsiornermi misilittagallit.

Imm. 2. Angajoqqaarsiat minnerpaamik aappaata meeqqamik ataatsimik arlalinnilluunniit angerlarsimaffimmi paarsineq ulloq tamaat suliffigissavaa.

Imm. 3. Ilaqtariinni inuussutissarsiutigalugu paarsisartuni angajoqqaarsiat tamarmik angerlarsimaffiup avataani inuussutissarsiutigalugu suliffeqarnissaat immikkut illuinnartunik pisqartillugu kommunalbestyrelsi akuerisinhaavaa.

§ 19. Ilaqtariit nalinginnaasumik paarsisartut tassaapput ilaqtariit angerlarsimaffimminni meeqqanik paarsisartut.

Imm. 2. Ilaqtariit paarsisartut paarsinissamik suliassaq nalinginnaasumik ulloq tamaat suliffiginngilaat angerlarsimaffiullu avataani inuussutissarsiutigalugu suliffeqarsinnaallutik.

Nammineq aaqqissuutamik ilaqtariinnut inissiineq

§ 20. Meeqqamut angajoqqaatut oqartussaasuseqartup nammineerluni ilaqtariinnut isumaqatiginnissinnaavoq meeraq imminniitillugulu isumagisarissagaat.

Imm. 2. Meeqqamik inissiisoq inissiinermulluunniit peqataasoq pisussaavoq angajoqqaarsiat atuuttumik paarsinissamik akuersissummik peqarnersut qularnaassallugu. Paarsinissamik akuersissummik tunineqartup piaartumik kommunalbestyrelsi nalunaarfigissavaa, meeraq tiguneqarpat, paarsineq taamaatippat allanngorpalluunniit aammalu ineqarnermut tunngasunik allanngortoqarpat.

Imm. 3. Meeraq nammineq aaqqissuutamik ilaqtariinnut inissinnejarpat angajoqqaatut oqartussaassuseqartup meeqqap pilersorneqarnera tamakkiisumik nammineerluni isumagissavaa.

Kommunalbestyrelsip ilaqtariinnut inissiiviusunut pisussaaffi

§ 21. Ilaqutariit paarsisussat paarsinermi suliassamik sukumiisumik ilitsorsorneqartussaapput. Ilaqutariit inuussutissarsiutigalugu aamma nalinginnaasumik paarsisussat angerlarsimaffiup avataanut inissiinermi iliusissanik pilersaarummik tunngaviusumik peqassapput. Taamatullu sulinermi atugassarititaasut akiliuteqarnissarlu pillugit ilaqtariit paarsisussat kommunalbestyrelsip isumaqatigiissusiorfigissallugit. Ilaqutariit paarsisussat pikkorissarnissamik ingerlaavartumillu nukittorsarneqarnissamik neqeroorfigineqarsinnaapput.

Imm. 2. Ilaqutariit paarsisussat sulineranni pissutsit, aningaasarsiaqarnerat paaqqinninnersiuteqarnerallu pillugit Naalakkersuisut aalajangersaassapput.

Ulloq unnuarlu paaqqinniffit

§ 22. Meeqcanut angerlarsimaffiup avataanut inissinneqartussanut pisariaqartunik amerlassusilinnik paaqqinniffinni inissaqartitsinissaq Naalakkersuisut nakkutigissavaat.

Imm. 2. Paaqqinniffit imm. 1-imi pineqartut pilersinneqarnerini ingerlanneqarnerinilu Naalakkersuisut ataqtigiissaarissapput, aammalu perorsaanermut tunngatillugu ilitsersuissallutik.

Imm. 3. Nuna tamakkerlugu paaqqinniffinni aqtsineq Naalakkersuisut isumagissavaat.

Imm. 4. Paaqqinniffit pilersinneqarsinnaallutillu ingerlanneqarsinnaapput Naalakkersuisunit, kommunimit ataatsimit arlalinnuunniit imaluunniit Naalakkersuisut isumaqatigiissuteqarfigisaannit paaqqinniffittut imminut pigisutut.

§ 23. Ulloq unnuarlu paaqqinniffit pilersinneqarnissaannut, pisatsersornissaannut, siulersorneqarnissaannut ingerlanneqarnissaannullu aammalu paaqqinniffinni perorsaanermik suliaqarnermut malittarisassanik pisariaqarfisigut Naalakkersuisut aalajangersaassapput.

Imm. 2. Ingerlatsinerup tungaatigut, aningaasaqarnermut perorsaanermullu tunngatillugu ulloq unnuarlu paaqqinniffinnik Naalakkersuisut nakkutilliissapput.

§ 24. Ulloq unnuarlu paaqqinniffit inatsisartut peqqussutaanni matumani pineqartut, meeq-qanik paaqqinniffimmuit communalbestyrelsemitt inissikkumaneqartunik tigusinissaminnik pisussaapput, tamatumuuna inissaqartitsigunik aammalu inissiinissaq paaqqinniffiup siunertaanut naapertuuppat. Inissiinissaq pillugu kommuuni paaqqinniffillu isumaqatigiinngissuteqarpata, apeqqut Naalakkersuisunut aalajangiiffigisassanngorlugu saqqummiunneqassaaq.

Imm. 2. Ulloq unnuarlu paaqqinniffiup komunalbestyrelsimek suleqateqarluni isumaginninnermi perorsaanermut tunngasunik allanik suliaqarsinnaanera pillugu Naalakkersuisut aalajangersaasinnaapput, tamatumani ilanngullugu akiliuteqarnissamik aalajangersakkat.

§ 25. Meeqcanut ulloq unnuarlu paaqqinniffinnut inissinneqarsimasunut kommuunip akiliutissaa ulloq unnuarlu inisisimaffimmuit ataatsimut aningaasanngorlugu naatsorsorneqassaaq.

§ 26. Ulloq unnuarlu paaqqinniffit ukiumoortumik Naalakkersuisunut nalunaaruteqartassapput.

Kingusinnerpaamik Inatsisartut upernaakkut ataatsimiinneranni Naalakkersuisut ataatsimoortitamik ukiumoortumik Inatsisartunut nalunaaruteqartassapput.

Imm. 2. Ulloq unnuarlu paaqqinniffit ukiumoortumik nalunaarusiaasa tunniuneqarnissaat, ilusissaa imarisassai il.il. pillugit malittarisassanik erseqqinnerusunik Naalakkersuisut aalajangersaassapput.

Suliniutinik atorunnaarsitsineq

§ 27. § 9 aamma § 10 naapertorlugin suliniutit unissapput suliniuteqarnermi siunertaq anguneqarpat, ilanngullugit iliuuseqarnissamik pilersaarummi anguniakkat anguneqarpata, imaluunniit suliniuteqarneq

siunertaminik naammassinnikkunnaarpat.

Imm. 2. Inatsisartut peqqussutaat manna naapertorlugu suliniutit aamma unissapput meeqqap 18-iliinerani. Suliniutit ingerlareersut 18-ileereernermi ingerlaannarsinnaapput, inuusuttoq tamatumunnga akuersippat aammalu iliuuseqarnissamik pilersaarummi anguniakkat aalajangiunneqarsimasut anguneqarnissaat naleqquttumik ilimanaateqarpat.

Imm. 3. Imm. 2 malillugu suliniuteqarneq unippat, kommunalbestyrelsip inuusuttoq suleqatigalugu aammalu kingusinnerpaamik angerlarsimaffiup avataanut inissiinerup taamaatinnissaa qaammatinik arfinilinnik sioqqullugu, nassuiassavaa tamatuma kingorna inuusuttoq qanoq tapersorsorneqassanersoq.

§ 28. Ilaqtariinni inissiinerup taamaatinnissaa aalajangiunneqartinnagu, ilaqtariit paarsisut oqaaseqartinneqassapput. Meeraq kommunerivitami avataani ilaqtariinnut inissinneqarsimappat, meeqqap kommuni uninngavigisaq oqaaseqartineqassaaq.

Imm. 2. Ulloq unnuarlu paaqqinniffimmiigunnaarnissamik aalajangiisoqartinnagu ulloq unnuarlu paaqqinniffik oqaaseqartinneqassaaq.

Imm. 3. Ulloq unnuarlu paaqqinniffimmit imaluunniit ilaqtariinnit inuussutissarsiutigalugu paarsisartunit oqaaseqaateqarnermi kommunalbestyrelsip aalajangiunniagaa assortorneqarpat, suliaq § 34 malillugu Meeqqat pillugit paasisimasalittut qitiusumik ataatsimiititamut oqaaseqarfingisassangortinneqassaaq.

§ 29. Angerlarsimaffiup avataanut inissiineq unissanngitsoq communalbestyrelsi aalajangiisinnavaq tamanna meeqqap pisariaqartitaanut akerliuppat. Tamatuminnga naliliinermi pi-ngaartinneqassaaq inissiinerup nalaani meeqqap ikiorserneqarnissamik periarfissai tamakkiisumik atorluarneqarnersut.

Tamanna aamma atuuppoq angajoqqaatut oqartussaassuseqartoq akuersiseqqaarlugu meeraq angerlarsimaffiup avataanut inissinneqarsimappat.

§ 30. Angerlarsimaffiup avataanut inissiinerup taamaatinnissaanik aalajangerneq Naalakkersuisunut nalunaarutigineqassaaq ullaarfineq-pingasut qaangiutsinnagit.

Inissiinermi

§ 31. Kommunalbestyrelsip inissinneqarfissaq aalajangigassaraa aammalu meeqqap paarineqarnera, perorsarneqarnera ilinniartitaaneralu isumagissallugu kiisalu allatigut meeqqamut namminermut tunngasut pisariaqarfisigut aalajangiiffigissalugit.

Imm. 2. Kalaallit Nunaanni inissiinissamik periarfissaarussimappat Naalakkersuisut akuersinerisigut Kalaallit Nunaata avataanut inissiisoqarsinnaavoq.

§ 32. Inissiinerup atuunnerani kommunalbestyrelsip inissiivimmik attaveqarnermigut meeqqamut tunngassuteqartut malinnaavigissavai aammalu inissiviup, katsorsaanerup assigisaasaluunniit allanngornissaa pisariaqarpataalajangiissalluni.

Imm. 2. Inummik, paaqqinniffimmik imaluunniit peqatigiiffimmik akuerisaasimasumik § 36 malillugu meeqqamik ulluinnarni isumaginninnissamik communalbestyrelsi piginnaatitsisinnavaq. Meeraq ulloq unnuarlu paaqqinniffimmut inissinneqarsimappat pisortaasoq ulluinnarni isumaginnittuussaaq.

§ 33. Meeqqap angajoqqaallu akornanni attaveqaqatigiittuarnissaq meeqqamut ulluinnarni isumaginnittooq suleqatigalugu communalbestyrelsip isumagissavaa. Angerlarsimaffimmut utertitsinissap aqqutissiuunnissaa sulissutigineqassaaq, tamanna meeqqap ineriarornerata ingerlaannarnissaanut peqqinnissaanullu akerliunngippat.

Meeqqat pillugit paasisimasalittut qitiusumik ataatsimiititaq

§ 34. Meeqqat pillugit paasisimasalittut qitiusumik ataatsimiitami ilaasortaapput inatsisileritooq, tarnip pissusiinik ilisimasalik, isumaginninnermi siunnersorti, isumaginninnermi perorsaasoq, ilinniartitsisoq aamma meeqqerisoq, tamarmik meeqqat inuuusuttullu pisariaqartitaannik immikkut ittumik ilisimasaqartussat.

Imm. 2. Ataatsimiititaq ukiunut sisamakkaartunut Naalakkersuisut pilersissavaat, siullermik peqqussutip matuma atuutilerneranit aallartittumik. Ilaasortaq ataatsimiititap piffissaq atuuffissaata ingerlanerani soraarpat, ilaasortassamik nutaamik ataatsimiititap piffissaq atuuffissaata sinneranut atuuttussamik Naalakkersuisut toqqaassapput.

Imm. 3 Ataatsimiititaq iluminni siulittaasumik siulittaasumullu tullersortimik toqqaalluni nammineq inissitsitissaq.

Imm. 4. Ataatsimiititap suliassaraa meeqqap ulloq unnuarlut paaqqinniffimmit aamma ilaqtariinnik inuuussutissarsiutigalugu paarsisartunit angerlartinneqarneranut atatillugu § 28, imm. 3 naapertorlugu suliani oqaaseqaateqarnissaq.

Imm. 5 Naalakkersuisut ataatsimiititap suleriaasissaa sularissavaat, allattoqarfeqarneq isumagissallugu aammalu aningaasartuutit ataatsimiititap ataatsimiinneranut tunngasuteqartut aningaasartuutigissallugit.

Suliniutit allat - misileraanerit

§ 35. Kommunalbestyrelsip qinnuteqarneratigut suliniutinik allaanerusunik pilersitsinissaq Naalakkersuisut akuerisinnaavaat, ilanngullugit misileraanerit aammalu meeqqanut inuuusuttunullu isumaginninnikkut perorsaanermi neqeroorutit immikkut ittut.

Imm. 2. Suliniutit imm. 1-imi taaneqartut Naalakkersuisut nakkutigissavaat.

Peqatigiiffinnik akuerinninneq

§ 36. Meeqqanut inuuusuttunullu sullissinerup iluani atugassarititaasussatut erseqqinnerusumik aalajangersakkat malillugit peqatigiiffit sulifimmik ingerlatsinissaat Naalakkersuisut akuerisinnaavaat.

Aningaasalersuineq

§ 37. Inatsisartut peqqussutaat manna malillugu meeqqanut inuuusuttunullu ikorsiinissamut aningaasartuutit kommuninit aningaasartuutigineqassapput.

Imm. 2. § 11 malillugu illersuisoqarnermut aningaasartuutit Nunatta Karsianit aningaasartuutigineqassapput.

Imm. 3. Paaqqinnittarfit sananerinut ingerlatinnerinullu aningaasartuutinut Naalakkersuisut tapiissuteqarsinnaapput.

Angajoqqaat akiliuteqarnerat

§ 38. Kommunalbestyrelsip meeraq angerlarsimaffiup avataanut inissikkuniuk inissiinermi kommunip aningaasartuutai angajoqqaanut tamakkiisumik ilaannakortumilluunniit akiligassanngortissavai.

Imm. 2. Pissutsit taamaattariaqartippassuk, communalbestyrelsip angajoqqaat akiliisinngitsoorsinnaavai imaluunniit akiligassaat isumakkeerinnissutigisinnallugit.

Imm. 3. Angajoqqaat aningaasaqarnikkut atugarisaat annertuumik allangngorsimappata communalbestyrelsip akiliinissamik aalajangiineq allangngortissinnaavaa.

Imm. 4. Angajoqqaat akiliutissaasa amerlassusissaat pillugit Naalakkersuisut aalajangersaassapput.

Naammagittaalliuuteqarneq

§ 39. § 6, imm. 3, §§ 9-10, § 17, § 29 aamma § 38 malillugit aalajangiinerit isumaginnittooqarfíup aqunneqarnera aaqqissuussaaneralu pillugit Inatsisartut peqqussutaanni aalajangersakkat tunngavigalugit Isúmaginninnermut Naammagittaalliuuteqartarfímmut naammagittaalliuutigineqarsinnaapput.

Pineqaatissiinissamik aalajangersakkat

§ 40. Kinaluunniit inatsisartut peqqussutaata manna atortinneqarnerani peqataasoq pisortanik sullissitilluni suliffeqartilluniluunniit pínerluttulerinermi inatsimmi pínerluutit pillugit malittarisassat malillugit akisussaaffeqarpoq suliffik qinigaanikkut pigaluarpalluunniit.

Atortuulersitsineq ikaarsaariarnermilu aalajangersakkat

§ 41. Inatsisartut peqqussutaat manna atortuulerpoq ulloq 1. juli 2003.

Imm. 2. Peqatigisaanik Inatsisartut peqqussutaat nr. 9, 30. oktober 1992-imeersoq atorunnaarpoq.

Imm. 3. Maleruagassat Inatsisartut peqqussutaat nr. 9, 30. oktober 1992-imeersoq tunngavigalugu aalajangersarneqarsimasut atuutiinnassapput, Inatsisartut peqqussutaat manna imaluunniit Inatsisartut peqqussutaat allat tunngavigalugit maleruagassanik aalajangersaankut taarserneqarnissaasa imaluunniit atorunnaarsinneqarnissaasa tungaanut.

Namminersornerullutik Oqartussat, ulloq 15. april 2003

Hans Enoksen

/

Ruth Heilmann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut